

開放文學－漢文樂園－易經明道錄  
遯 大壯 晉 明夷

卦三三 遯 [乾艮] [天山]

遯：亨，小利貞。

象：遯綜大壯。六月之卦。天下有山，高山仰止，陽爻上進，一一遠避而去。

二陰在下，陰漸長，小人盛，君子遯避。

釋：遯，君子亨通，小人則利於守正。

彖：遯亨，遯而亨也。剛當位而應，與時行也。

象：九五陽得位，與六二相應。

釋：小人道長，君子應知時而退，以避災吝。

象：天下有山，遯，君子以遠小人，不惡而嚴。

釋：君子遯避，不近小人，態度堅峻，但心中宜保持祥和。

初六：遯尾，厲，勿用有攸往。

爻：（應）。

通：本爻變為離，重卦為同人。〔與人同也。〕

象：初＝尾。尾在後，逃避時在最後，乃逃之不及，有危之象。

釋：遯時落後，危厲，無所為則無災。

六二：執之用黃牛之革，莫之勝說。

爻：（位）中正，（應），（比）承。

通：本爻變為巽，重卦為姤。〔遇也，柔遇剛也。〕

註：莫之勝說——脫不掉。

象：艮＝止，執之象。爻錯坤＝黃牛。

六二上正應九五，其結合之信念堅，改變不得也。

釋：信念堅定，無法改變。

九三：繫遯有疾，厲，畜臣妾，吉。

爻：（位），（比）據。

通：本爻變為坤，重卦為否。〔大往小來，則是天地不交而萬物不通也。〕

註：繫遯有疾——逃避貴速且遠，有所繫縛，則有疾也。

象：艮＝止，陽爻本健，止而不前，是為繫。中爻巽＝繩繫之象。

九三陽爻＝男子，初六、六二＝臣妾。

釋：遯時，有所繫念，危厲，照顧下屬則吉。

九四：好遯，君子吉，小人否。

爻：（應）。

通：本爻變為巽，重卦為漸。〔進以正，可以正邦也。〕

象：九四應初六＝喜愛。陽爻居陰位，在君子其義當遯，故為吉，小人則否。

釋：有所喜好而遯，君子吉，小人否。

九五：嘉遯，貞吉。

爻：（位）中正，（應）。

通：本爻變為離，重卦為旅。〔柔得中乎外而順乎剛，止而麗乎明。〕

象：九五正應六二，當賢者六二遯退時，九五見其志固，嘉褒之象。

釋：嘉褒遯者，正吉。

上九：肥遯，無不利。

爻：無。

通：本爻變為兌，重卦為咸。〔二氣感應以相與，止而說。〕

註：肥——寬裕自得。

象：居上九，遠離困擾。

釋：超然於物外，無所求，無所不利。

卦三四 大壯 [震乾] [雷天]

大壯：利貞。

象：大壯綜遯。雷之威在天之上，四陽由下而上盛長，大壯之象。三月之卦。

釋：大壯，利於正者。

彖：大壯，大者壯也，剛以動，故壯。

釋：陽氣漸盛，壯大之貌。

象：雷在天上，大壯。君子以非禮弗履。

象：外卦震＝禮樂。

釋：君子應克己復禮，非禮勿行。

初九：壯于趾，征凶，有孚。

爻：（位）。

通：本爻變為巽，重卦為恒。〔雷風相與，巽而動，剛柔皆應。〕

象：爻變為震＝足，在初為趾。

釋：初生之犢不怕虎，有行動則凶，可得信任。

九二：貞吉。

爻：（位）中，（應）。

通：本爻變為離，重卦為豐。〔大也，明以動。〕

象：陽剛居柔位，在大壯之時，是剛柔得中，未過壯也。

釋：行中道則吉。

九三：小人用壯，君子用罔，貞厲。羝羊觸藩，羸其角。

爻：（位），（應）。

通：本爻變為兌，重卦為歸妹。〔人之終始也。〕

註：罔——不用。羝羊觸藩，羸其角——羊衝籬，其角困陷於竹籬間。

象：中爻兌=羊。震=竹籬。九三乾體之終，在大壯之時，有用壯用罔之象。

釋：過於剛強，則不免作繭自縛，雖正亦厲。

九四：貞吉，悔亡。藩決不羸，壯于大輿之輹。

爻：（比）扶。

通：本爻變為坤，重卦為泰。〔君子道長，小人道消也。〕

註：藩決不羸——竹籬倒塌，羊角得脫。

壯于大輿之輹——撞上大車的輪子。

象：兌=毀折，竹籬倒塌之象。爻變坤=大車。

四陽剛勢盛，壯已過中，壯之盛也。然四失位，故戒以正吉之象。

釋：正則吉，無悔。無畏艱難，前進不已。

六五：喪羊于易，無悔。

爻：（位）中，（應），（比）乘。

通：本爻變為兌，重卦為夬。〔剛決柔也，健而說，決而和。〕

象：下四爻陽剛，至六五轉柔弱，有轉為和易之象。

羊群行而喜觸，若以力制，則難勝而有悔，宜和易待之，是喪羊於易也。

釋：壯之甚，轉為祥和，無悔。

上六：羝羊觸藩，不能退，不能遂，無攸利，艱則吉。

爻：（位），（應）。

通：本爻變為離，重卦為大有。〔其德剛健而文明，應乎天而時行。〕

象：震錯巽=進退不果。上六壯之極，羊全力以赴，角陷於竹籬之中。

釋：已至進退兩難之際，無所得。若艱守，不逞強，反而吉利。

### 卦三五 晉 [離坤] [火地]

晉：康侯用錫馬蕃庶，晝日三接。

註：晉——進而光明也。

康侯用錫馬蕃庶，晝日三接——安國之侯功高，王賜馬眾多，寵遇隆盛。

象：晉綜明夷，且錯明夷。離=太陽。又離=三。

坤錯乾=馬。中爻艮綜震=蕃。坤=眾，庶也。

釋：晉，人才受到重視，上下相得。

象：晉，進也。明出地上，順而麗乎大明，柔進而上行。

釋：光明祥和，宜順勢而行。

象：明出地上，晉。君子以自昭明德。

釋：君子應誠意正心修身，以使其道明於天下。

初六：晉如摧如，貞吉。罔孚，裕無咎。

爻：（應）。

通：本爻變為震，重卦為噬嗑。〔頤中有物。〕

註：摧如——後退狀。罔孚——不信任。裕——寬裕從容。

象：中爻艮綜震=足行。

中爻坎=狐疑。群陰互聚，初在下，不得二三之信任=罔孚。

釋：不急功近利，守正吉。得不到信任，寬心無咎。

六二：晉如愁如，貞吉。受茲介福，于其王母。

爻：（位）中正。

通：本爻變為坎，重卦為未濟。〔小狐汔濟，濡其尾。〕

註：受茲介福，于其王母——遲早會受到其「王母」的好處。

象：中爻坎=憂愁。中爻艮=止，有阻。

外卦離=中女，六五=王母。

釋：前進困難重重，守正吉，遲早會得到賞識。

六三：眾允，悔亡。

爻：（應），（比）承。

通：本爻變為艮，重卦為旅。〔柔得中乎外而順乎剛，止而麗乎明。〕

象：坤=眾。六三不中不正，有悔，但下三陰爻同心上進=眾允悔亡之象。

釋：得到大眾之支持，勇往直前，無悔。

九四：晉如鼫鼠，貞厲。

爻：（應），（比）據。

通：本爻變為艮，重卦為剝。〔柔變剛也。〕

註：鼫鼠——大鼠，貪而畏人者。

象：中爻艮=鼠。九四失位，貪不當之位，上順六五，下畏三陰=鼫鼠之象。

釋：進之時，貪婪而懼，正亦危。

六五：悔亡，失得勿恤。往吉，無不利。

爻：（位）中，（比）承乘。

通：本爻變為乾，重卦為否。〔大往小來，則是天地不交而萬物不通也。〕

註：恤——憂。

象：中爻坎=憂，本爻變則非坎=勿恤。

六居尊位，本當有悔，幸九四以下皆順附，有悔亡之象。

凡卦中有離象，常用「得、失」二字，即因火無定體，倏然無常多變故。

釋：得失不計於心，往吉，無所不利。

上九：晉其角，維用伐邑，厲吉無咎，貞吝。

爻：（應），（比）據。

通：本爻變為震，重卦為豫。〔剛應而志行，順以動豫，豫順以動。〕

註：晉其角，維用伐邑——晉升至尖端，剛猛失控，必用之以征伐邑國。

象：上爻=角。離=兵戈。內卦坤=眾，邑。變震=眾人兵戈震動，伐邑之象。

角者，剛而居上者，上九剛居卦極，故以角象之。

釋：進之極，勢難止，整頓內部須嚴厲始吉而無咎，否則雖正亦有吝。

### 卦三六 明夷 [坤離] [地火]

明夷：利艱貞。

註：夷——傷也，滅也。

象：明夷綜晉，錯晉。坤=暗，離=明，明為暗所掩，是艱困也。

釋：失去光明，能承受艱苦考驗者始有利。

彖：明入地中，明夷。內文明而外柔順，以蒙大難，文王以之。

釋：當光明不再時，人應保持理性，接受環境挑戰，周文王即是如此。

象：明入地中，明夷。君子以蒞眾，用晦而明。

釋：在昏暗時期，君子應該韜光養晦，不輕露其智。

初九：明夷于飛，垂其翼。君子于行，三日不食，有攸往，主人有言。

爻：（位），（應），（比）扶。

通：本爻變為艮，重卦為謙。〔謙尊而光，卑而不可踰，君子之終也。〕

註：明夷于飛，垂其翼——昏暗之時，飛行不易，鳥翼有傷折而下垂。

君子于行，三日不食——君子見微知著，退避他去，堅守困境而不妥協。

象：離=雉鳥，初爻=翼之垂者。能飛且垂翼，表傷不重也。

離居三，又=日，三日之象；離中虛=空腹不食。

外卦錯乾=有言。

釋：在初，事態不顯，識者應堅持原則方可成事，他人之譏嘲不必在意。

六二：明夷，夷于左股，用拯馬壯，吉。

爻：（位）中正，（比）承乘。

通：本爻變為乾，重卦為泰。〔君子道長，小人道消也。〕

註：夷于左股——傷到左股，意為其傷尚不妨礙行動。

象：中爻震錯巽=股。爻變為乾=良馬。

六二中正得應得比，處明夷之傷，其傷並不嚴重之象。

釋：情況尚不嚴重，速謀對策，吉。

九三：明夷于南狩，得其大首，不可疾貞。

爻：（位），（應），（比）據扶。

通：本爻變為震，重卦為復。〔出入無疾，朋來無咎。〕

象：離=南，兵戈。中爻震=震動，出征遠討之象。

外卦坤錯乾=首，上六=大首，為暗之首惡。

九三居離之上，明之極也。處剛而進，遇坤暗於前，是明克暗之象。

釋：若欲有所作為，不可操之過急。

六四：入于左腹，獲明夷之心，于出門庭。

爻：（位），（應），（比）乘。

通：本爻變為震，重卦為豐。〔大也，明以動。〕

註：左腹——左者，隱僻之所也。左腹，謂人與人共享私秘，象其相交之深也。

象：坤=腹。爻變為巽=入。中爻震綜艮=門，震=動，出門庭之象。

六四以陰居陰，處近君之位，小人進言深獲上歡之象。

釋：小人當道，嘩眾取寵。

六五：箕子之明夷，利貞。

爻：（位）中。

通：本爻變為坎，重卦為既濟。〔初吉終亂。〕

象：六五有柔中之德，如同箕子因商紂無道，佯狂而受辱。

五=君位，因明夷之時，天下失明，故不言君。上六陰暗至極，是為明夷主。

五近於明夷之主，聖人以為宜晦其明，以免其禍，故以箕子象之。

釋：忍辱負重，利於正。

上六：不明晦，初登于天，後入于地。

爻：（位），（應）。

通：本爻變為艮，重卦為賁。〔亨，小利有攸往。〕

象：日在地下=不明晦。陰居坤之上，明夷卦之終，不明之極。